



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.**

In quibus origo cuiusque Ritus, causae historicae, vel mysticae, ex  
maiorum ingenio, Theoria, Praxis, obligatio, & exquisitus vsus, additis  
opportune Decretis omnibus S. Rituum Congreg. quàm breuissimè  
explicantur.

**Gavanti, Bartolommeo**

**Venetiis, 1647**

De Bulla Clementis VIII. & Vrbani. VIII. 3.

**urn:nbn:de:hbz:466:1-9521**

Neque quia pensionem quis habebat super aliquam Ecclesiam.

Neque quoad Regulares, quia viuunt sub Regula Sancti, à quo tamen non pendent in propria origine.

Neque eo, quia communicationem habet unus Ordo Priuilegiorum alterius Ordinis, quae communicatio non extendi debet ad officia, seu Festa Sanctorum; non ad omnia quod non sit; nec ad aliqua cum non sit minor ratio de uno Festo, seu officio, quam de alio celebrando. Et ratio predictorum est, qui in Rubricis Pij V. nulla fuit, neque est circa lex de his officijs; & licet iusta in aliquibus sit causa, petenda tamen est licentia omittendi officium tali die in Breuiario prescriptum, ut aliud de predictis recitetur.

27 Dices: in Rubricis habentur saepius hæc verba, ut tit. 1. num. 1. tit. 2. num. 1. *O alibi:* Festa sanctorum illorum, que consueverunt celebrari: ergo concedit Pius V. retineri adhuc consuetudines. Respondeo, quod sic se habet textus, celebrari consueverunt solemniter: vel, *solemniter*: tum quia alioquin Pius V. sibi esset contrarius, si in Rubricis concederet consuetudines, quas abrogauit in Bulla, non enim abrogauit consuetudines solemnies quas concedit in Rubricis. tum quia vere concessit retineri Festa sanctorum in locis propriis; non autem quæcumque Festa, sed soleniter celebrata.

28 Dices adhuc: in iisdem Rubricis tit. 7. num. 4. habentur præcisè sine adverbio hæc verba: *consuevit celebrari.* *O tit. 5. num. 1. consuetum celebrari:* ergo sufficit consuetudo simpliciter, non solemnis, sed facile respondeo, posteriores textus pendere à prioribus in eodem sensu accipiendi sunt ut priores, qui addunt adverbium: *solemniter*; ne pugnent in uicem ipsæmet Rubricæ priores, & posteriores.

29 Quid est, ais, *solemniter?* Respectu cleri saecularis, significat festivitatem, aut populi aut cleri cum pompa exteriōri, puta processione, apparatu, concursu, & huiusmodi. & ita declarauit sacra Rituum Congregatio die 28. Augusti 1628.

respectu vero Regularium, & Congregationum significat singularēm quedam cultum communem alijs Festis de Calendario: quæ ratio cum non in omnibus Festis in Hispania celebratis adesset, recurrerunt ex Ecclesiæ ad Gregorium XIII. anno 1573. & obtinuerunt; posse retinere Festa ciuium, Reliquiarium insignium, & alia eiusmodi; quod, & tandem prestatere ferè omnes Ecclesiæ Italæ post Decretum præsumptum 8. Aprilis 1628. editum quibus Sacra Rituum Congreg. multa concessit rationabilia, & est parata alijs concedere similia.

30 Postremo restat dubium: An per Bullam Pij V. derogetur Bullis Canonizationum Sanctorum; in quibus videntur Pontifices dare facultatem recitandi officium de canonizato in die mortis eius solemniter ad formam in Rubricis Breuiarii Romani prescriptam?

Verum pater omnibus, quod de omnibus canonizatis non sit officium ab omnibus deinde ex Rubricis Breuiarij non appetat de unoquoque canonizato, an simplex, semidupl. duplex officium fieri debet, & est necessarium nouum decreto de ritu quo fieri debet officium, quod expressè decreuit Sacra Rituum Congregatio die 9. Decembris 1628. de hoc ipso casu interrogata. Vel dicerem, loqui Pontifices copulatiuè, (G) vna cum ædificio Ecclesiæ, de quo in Bulla, fieri posse officium solemnne tamquam de Titulari Ecclesiæ, quod habetur in Rubricis Breuiarij, hoc est prime classis cum Octaua.

De Bullis Clementis Octaui, &  
Urbani Octaui.  
Cap. III.

E Dita fuit à Clemente VIII. Bulla die decima May 1601. Anno Undecimo, & in ea habentur pauca.

1 Accusat Typographorum incuriam, & aliorum audaciam, qui Breuiarium à Pio V. editum depravauerunt.

2 Significat, se ideo commissione peritis virtutis eiusdem Breuiarij recognitionem.

3 Pro-

3 Prohibet, ne in Vrbe imprimatur, nisi in Vaticano; extra Vrbem iuxta exemplar Vaticanum, & de licentia Inquisitorum, vel Ordinariorum impositis penitentiis spiritualibus, & pecuniatijs; aliterque in posterum impressa Breuiaria interdicit, ac prohibet.

4 Inquisitores, & Ordinarios penitentibus instruit, qua ratione approbare debeant impressa.

5 Tolerat in gratiam pauperum clericorum impressa Breuiaria ante eiusdem recognitionem, quoad usum, &c, ut vendi queant, indulget.

6 Publicationem Bullæ mandat cum solitis derogationibus, & clausulis.

7 Urbanus VIII. Pontifex Max. adhibitis alijs peririssimis viris (& me minimo inter eos, qui & adfui Clementinæ recognitioni) eadem se prosequutum esse afferit, que prædecessores incheuerant: significat deinde ea, quæ acta sunt in Breuiario nuperrimè recognito: Prohibet, instruit, tolerat, ut supra numeri 3. 4. §. edita Bulla initio Breuiarij posita.

8 Certè ad hanc usque diem Breuiarium non est editum tot numeris absolutum.

#### De Computo Ecclesiastico.

##### Cap. IV.

**A**gitur initio Breuiarij de Anno, & eius partibus, de Quatuor temporibus, de Nuptiarum tempore, de Cyclo decennouennali, de Epactis, de Nouiluniijs, de Indictione, de Festis mobilibus, additis Tabellis, perpetua, & tempora, antiqua, & noua reformatis, quantum satis esse videtur pro captu communiorum ingeniorum. plura qui desiderat, legat Guliel. Durandum in suo ratione. diu. offic. lib. 8. toto.

2 Ea sunt precipue notatu digna, quæ ad annum Bissextilem formandum spectant. nam singulis quaternis annis constituitur dies in Mense Februario, qui dicitur compositus ex 24. horis, nempe (sex cuiuslibet annorum quatuor. excipe quod pauci norunt) primum, secundum,

& tertium centesimum annum, qui occurunt intra spatum quadringentorum annorum, vt expressè habetur in Bulla Gregorij XIII. de Reformatione Calendarij edita anno 1582. quare, sicut annus proximè præteritus 1600. fuit Bissextilis, ita erit etiam Bissextilis annus 2000. qui verò sunt medij 1700. 1800. 1900. non erit Bissextiles, ne redeat annorum confusio.

3 De Quatuor temporibus agemus in proprio de Tempore.

4 Pascha celebrari debet in die Dominicæ qui proximè succedit decimæ quartæ Lunæ primi mensis, idest Martij, ita tamen, vt si decimaquarta Luna cedit in Dominicum diem, Pascha nostrum celebretur in sequenti Dominicæ die, ne conueniamus cum Hebreis.

5 Constituto Paschatis die facile discernuntur Festa mobilia, ita dicta, quia mouentur ad motum Paschatis, & sunt Septuagesima, Sexagesima, Quinquagesima, Quadragesima, quæ precedunt Paschatis Festum; Ascensio, Pentecostes, Festum Trinitatis, & Corporis Christi quæ sequuntur; de quibus egimus tomo primo, & infra agemus in Proprio de tempore.

6 Aduentus autem non habet primum diem certum, sed eum diem Dominicum; qui propinquior est Festo S. Andreæ, & loco citato explicauimus.

#### De Calendario. Cap. V.

**C**alendarium à Calendis dictum est, Calendæ verò primus dies Mensis est à natali, idest, voco; tunc enim Pontifex calato, hoc est, vocato populo, quot dies à Calendis ad Nonas superessent, pronunciabat, Plut. Candelaria quoque dicebantur Tabulae, ab obseruatione singulorum mensium, vt Diaria à singulorum dierum ratione. & nos in singulis mensibus obseruamus Festa Christi Domini nostri, & Sanctorum. Durand. lib. 8. cap. 4. explicat Calendas, quasi colendas; quia tunc erat semper Iunoni festus dies primus, ergo Calendatium, & Calenda-

